



125 Joer CAL

## De Cercle Artistique du Luxembourg feiert Gebuertsdag

Am Grand Café op der Place d'Armes an der Stad gouf um Enn vum Joer 1893 e Konschtveräin gegrënnt, deen nach haut bekannt an aktiv ass.

Vum Christiane Kremer



Marc Hostert, Serge Koch, Paul Bertemes

Op déi Plaz, wou alles ugefaangen huet, hat de CAL en Dënschdeg de Moien och d'Press invitéiert, fir de Festprogramm fir de Gebuertsdag ze presentéieren. "Le CAL - hier, aujourd'hui ... et demain" ënnert deem Motto gëtt e Bilan gemaach iwwer dat, wat geschafft gouf, awer och wéi d'Situatioun haut ass a wat een an Zukunft nach ka maachen a besser maachen. D'Roll vum CAL war an ass et, d'Konschtzeen Lëtzebuerg duerzestellen, visibel ze maachen, sech mat hir ausermanerzesetzen.



25.09.2018, 18:00:10

1 Commentaire(n)

E-Mail schécken

Printen

Recommend 56



Share

### Links

AUDIO: 125 Joer CAL: Interview mam President Marc Hostert

AUDIO: 125 Joer CAL: De President Marc Hostert iwwer d'Roll vum CAL

### Themen

Kultur

### Kultur: Am meeschte gelies


Haut Gësch Dës Woch Lescht Woch

1. VIDEO: KEP: Definitiv Versioun vum Kulturentwécklungsplang presentéiert
2. Nummer 91: En neit Online-Kräizwuerträtsel ganz op Lëtzebuergesch
3. Nummer 1 an Europa: "Chaplin's World" als beschte Musée vum Joer ausgezechent
4. Donneschdeg, 4. Oktober: Konferenz iwwer kënschtlech Intelligenz
5. Elo am Replay: Bad Banks - Episod 2: Folge dem Schrott

## 125 Joer CAL: De President Marc Hostert iwver d'Roll vum CAL

▶ 00:00

Nieft enger feierlecher Zeremonie e Freideg, de 5. Oktober am Cercle, wou haaptsächlech d'Kënschtler sollen am Mëttelpunkt stinn, kënnst och e Buch eraus, an deem d'Kënschthistorikerin Carole Jung zesumme mam Paul Bertemes an dem Serge Koch op déi lescht 25 Joer ageet an dobäi déi verschidde Salonen an déi verschidde Kënschtler virstellt. Dozou gehéiert och e Film vum Frank Rosch, an deem et ëm d'Roll vum CAL an der Lëtzebuenger Konschtzeen fréier an haut geet, mat den Aussoe vu Kënschtler a vum Kënschthistoriker Christian Mosar. An et gëtt och en Timber.



D'Haaptaktivitéit vum CAL ass et, zënter méi wéi engem Joerhonnert all Joer e Salon z'organisieren, bei deem een e gudden Abléck kritt an dat, wat an der Konscht zu Lëtzebuerg geschitt. E Jury wíelt dofir ënnert de Wierker, déi agereecht goufen, déi aus, déi dann och ausgestellt ginn. Zum Salon gehéiert och ëmmer e Präis, de Prix Grand-Duc Adolphe ass (zënter 1902) bis ewell 80 Mol iwverrecht ginn, de Prix Pierre Werner 13 Mol an och déi jonk Kënschtler kënnen mam Prix Révélation ausgezechent ginn. Member am CAL ass een, wann een als Kënschtler 3 Mol bei de Salonen derbäi war. Den nächste Salon vum CAL ass vum 9. November un am Tramsschapp an Zesummenaarbecht nees mat der Art Week.

Donieft gëtt et och eng Rei Ausstellungen, déi ëmmer ënnert engem Thema stinn, a ganz aktuell gëtt elo déi éischt Editioun vum "Prix de la sculpture" lancéiert an Zesummenaarbecht mat der Galerie Schlassgoart an der Gemeng Esch. Fir 2022 ass eng Grouss Retrospektiv CAL am MNHA um Fëschmaart geplangt.


De CAL huet awer och e puer Revendicatiounen an hofft mat engem nächste Kulturminister iwver eng adequat Konventioun verhandelen ze kënnen, esou de President vum CAL Marc Hostert.

Der Lëtzebuenger Konschtwelt feelt vrun allem eng Plaz, en Archiv, eng Struktur, op där d'Ierwe vun de Kënschtler kann erfaasst a versuergt ginn. Doriwwer eraus soll e Kënschtler-Lexikon opgebaut ginn. An d'Kënschtler an hir Wierker sollen och an de Schoulen en Thema ginn.



D'nächst Joer plënnert de CAL aus dem Gronn op eng nei Plaz, an den Ilot Saint-Michel an d'Uewerstad.

### 125 Joer CAL: Interview mam President Marc Hostert



### Är Commentairen - Netikett

[E Commentaire ofginn](#)

[Alleguer d'Kommentare uweisen](#)

MULLES19 (2018-09-26 07:51:27)

0 0

Die Welt wie ein Theaterstück ansehen  
und so das Leben leicht nehmen –  
so entdeckt man,  
sich selbst zu feiern...

[De Kommentar mellen](#)

#### RTL.lu

Lëtzebuerg  
International  
Meenung  
Sport  
Trafic  
Meteo  
Kultur  
Life & Style  
Auto  
Fotoen  
Service

#### Radio

Lauschteren  
Programm  
Emissiounen  
Musek  
Fotoen  
Informatiounen

#### Télé

Livestream  
Programm  
Emissiounen  
Fotoen  
Maacht mat  
Informatiounen

#### 5minutes.lu

LA UNE  
GRANDE RÉGION  
MONDE  
5MINUTEZ-VOUS  
CULTURE  
SPORT

#### Espace publicitaire



Vous souhaitez faire de la publicité sur  
RTL.lu ? Prenez contact directement avec  
notre régie publicitaire IPLuxembourg

Mir benotze Cookië fir ze verstoen, wéi Dir eise Site benotzt a fir Är Visitt ze optimiséieren. Heizou gehéiere personaliséiert Contenuen a Publizitéit. Andeems Dir op eise Site op e Link klickt, acceptéiert Dir den Depot vu Cookien.

Är Cookie-Astellung kënn Dir zu all Ament an Ärem Browser änneren oder desaktivéieren, wat awer mat sech brénge kéint, dass Deeler vun eise Site net méi richteg funktionéieren oder net méi accessibel sinn. Fir méi heiriwwer gewuer ze ginn, [klickt hei](#).



[Feedback](#) | [Conditions d'utilisation](#) | [Privacy](#) | [Netikett](#) | [Accidentsfotografen](#)

[Acceptéieren](#)

[Kontakten op oder zou?](#)

[cM internet](#)